

Kontuola

ANTZUOLA / Egubakoitza / 2001eko azaroaren 9a / 89. zenbakia

KOORDINATZAILEA: Aintzane Irizar • Barrenkalea, 33 2570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Sikatea dela eta, ur kontsumoa zaintzeko eskaera egin die Udalak herritarrei

AINTZANE IRIZAR

Azkenaldian oso euri gutxi egin du. Antzuolako etxeetan eta hainbat enpresatan herriko iturburuetatik hartzen dute ura, eta lehortea dela eta, ur kontsumoa zaintzeko eskatu die Udalak herritarrei, duela bi aste atari guztietan jarritako bandoaren bitartez.

Herriko iturburuetara sartzen den ura zaindu beharra dago, azkenaldian oso euri gutxi egin du-eta. Sartzen dena baino gehiago kontsumituz gero, ur arazo larriak sortuko lirarteke. Aitzan dagoen ur depositoa kopuru justu samarra dago.

Badira bi aste, atarrietan jarritako ohar baten bitartez, Udalak herritarrei euren ur kontsumoa zaintzeko deialdia egin zuela. Mireia Unamuno alkatearen esanetan, "dagoeneko igarri dugu jendea ura zaintzen hasi dela, gutxiago gastatuz". Enpresen jarrera ere oso positiboa izan e da ur kontsumoari dagokionez. "Jendeak egindako esfortzu hori eskertzekoa da; ikusi ahal izan dugu jendea kontzientziatuta dagoela", azaldu digu Mireiak.



ARTXIBOA

Datorren urtetik aurrera, herriko iturburuetatik jaso beharrean, Urkulutik jasoko dugu ura, bailarako beste herrietan bezalaxe.

URKULUKO URAREN ZAIN

Datorren urterako Antzuolan Urkuluko ura izatea espero dute Udaleko arduradunek. Debagoieneko gainerako herrietan

Aretxabaleako urtegi honetatik jasotzen dute ura. Antzuola da, oraingoz, ura herriko iturburuetatik jasotzen duen bakarra.

Udalak Iturburu horiek apro-

betxatzen jarraitzeko asmoa duen arren, laster jasoko dugu herrian Urkuluko ura. Abian da dagoeneko hori gauzatzeko prozesua.

Udal arduradunek dagoeneko igarri dute jendea ur kontsumoa zaintzen hasi dela

Horretarako badago proiektu bat aspalditik; Gipuzkoako Foru Aldundia proiektu hori moldatzen ari da orain. Izan ere, hasierako proiektua nahikoa zaharkitua zegoen dagoeneko, eta hainbat alegazio aurkeztu ziren, tartean, Udalaren alegazioak ere.

Gauzak horrela, datorren urterako lanak bukätuta egotea espero dute, eta Antzuolako etxe guztietan Urkuluko ura jasotzeko moduan egotea.

Orain jasaten ari garen sikate honi lotuta, kontuan hartu behar dugu, Urkulu dela ur maila altuena daukan Gipuzkoako ur biltegia, bere gaitasunaren %70 inguruan dago-eta. Horrek esan nahi du, Debagoieneko gainerako herrietan ez dutela ur arazorik.

HERRITARRENHITZA / Alaitz Jauregi • Gizarte laguntzailea

Bizitza ze da, negozio bat?

Zergaittik esaten doten hori? Ointxe esplikauko dotsuet: beti esan izen da **jaioberria** beso azpitan ogi bat **dabela** etortzen dala mundura; ba gaur egunian norberak bete biharreko txeke batekin etortzen dala esango neuke nik. Bateko **Dodotis**-ak diala, besteko pomadak erosi biharra, gaurko erropak bihar txiki gelditzen diala..., bukaera bareko kataia hasten da.

Konturatu baiño lehen bataiatzeko ordua ailegatzan da. Norberak umia hippie jantzizax bataiatzia nahi, eta kristalak garbitzeko be balio ez daben izara zuri batekin jantzi

bihar! Eta okerrena ez da hori, buruan trabis besteik egitten ez daben lazo haundi bat jarri, gainera! Ume koittaua!

Bederatzi urte geruau, jaunartzia. Orduan be, ezin ba soineko normal bat jantzi! Zenbat eta soineko garestixaua eruan, orduan eta elegantiaua itxuria danez. Neskatilliak edo mutikuak erregalo bezela bizikletia nahi, ta gurasuek EuroDisneyrako bijajia errega-



"Norberak bete biharreko txeke batekin etortzen dira jaioberrixak"

lau bihar bere lagunei Disneylanderakua erragalau jaelako. Hau da markia, hau!

Ezkontzia? Buenooo... Pixka-pixkat exagerau ezkeru esango neuke jaunartzia egin eta laister komeni dala ezkontzeko txandia hartzia, bai elizan, bai jatetxian, bai pelukerixan...

Zenbat burukomin! Zenbat gau lorik egitteke! Zenbat hasarre! Bittartian inbitauak buruari

bueltaka: "zer jantziko dot? Eta bateren batek nere jantzi berdiña eruaten badau? Giro ona egingo dau? Eta txarra egitten badau? Zenbat diru emoten da? Gu ezingo gara gutxiuau izan! Hori bai, zenbat eta diru gehixau batu, orduan eta biaje hobia egingo dabe ezkonduak. Zorretan geratu ezkeru, inposiblia dala eta berriz hasi bihar kontuak etaratzen.

Okerrena da danok jausten garela tranpan. Hala ta guztiz be, ez dozue pentsatzen hobe izango litzakela naturalidade pixkatekin jokatu baginu guztiok?

LABUR

Lan eta zerbitzuen arduradun bat kontratatuko dute

Obra eta zerbitzuen arduradun bat kontratatu nahi du Antzuolako Udalak. Horretarako deialdia egin berri dute, urriaren bukaeran.

Hainbat zeregin izango ditu; hala nola, herrian egiten diren lanak kontrolatzea, azpiegituren egoera zaintzea edota obra txikiak egitea.

Datorren azaroaren 19ra arte dago eskaerak aurkezteko epea. Lanpostu horretara aurkezteko interesa dutenek udaletxean dute baldintzen eskuorria.

TELEFONO JAKINGARRIAK

OSASUNA/LARRIALDIK

DYA 943 78 71 57
 Gurutze Gorria 943 76 55 76
 Medikua 943 76 62 23
 Praktikankea 943 76 63 80
 Udaltzaingoa 943 76 62 46
 Ertzaintza 943 76 53 40

UDALA

Udaletxea 943 76 62 46
 Kultura 943 76 64 80
 Liburutegia 943 76 60 65

BESTELAKOAK

Idolaz 943 78 60 12
 Herri ikastetxea 943 76 62 68
 Jubilatuen elkarte 943 76 62 71
 Abadetxea 943 76 64 16
 Anelkar (Kontxi) 943 78 70 65
 Taxiak: Antonio Fernández 669 15 65 40
 Jesus M. Fernández 607 31 85 60

MEZAK

ANTZUOLAKO PARROKIA

Lanegun eta zapaletan: 19:30
 Domeka eta jaiegunetan: 09:00, 11:30

UZARRAGAKO PARROKIA

Domeka eta jaiegunetan: 10:00

OHARRAK

ALAITZ JAUREGI ZENTSUA OSATZEN

Duela bi aste hasi ziren herri guztietan biztanleen errolda berritzen.

Antzuolan Alaitz Jauregi ari da errolda berria osatzeko datuak batzen.

Hasi da dagoeneko etxez etxe datu horiek jasotzen.

Errolda horri esker, hainbat datu jakin ahal izango ditugu: zenbat garen, bakoitzaren egoera zibila, lan egoera eta abar.

BARAZARRERA IRTEERA

Azaroaren 18an izango da Arrolaren hurrengo irteera.

Arrasateko Santa Agedan irteten, eta Urkiolatik pasatu ondoren, Barazarrean joango dira mendirik mendi; bost bat orduko ibilaldia izango da.

Ondoren, bazkaria izango dute Bertoko garagardotegian.

Martitzenean, azaroak 13, eman beharko dute izena interesatuek, 19:00etatik 20:00etara, eta 4.000 pezeta ordaindu beharko dira.

ARROLAREN IRTEERA / Gatzagatik Elgeara



HAIZE ERROTAK BERTATIK BERTARA Joan zen domekan, azaroak 4, egin genuen Arrolakook azken irteera. Gatzagatik Elgeako haize errotak dauden tokiraino joan ginen. Goizeko 8:30ean herriko plazatik autobusez irteten, eta Gatzagara joan ginen. Dorletako Ama Birjina dagoen tokitik abiatu ginen mendi aldera, eta bi ordu behar izan genituen Elgeako haize errotetaraino iristeko. Hantxe hamarretakoa egin genuen, eta ordubetez atsedean hartzen egon ondoren, behera abiatu ginen berriro. Eguraldiak ere lagundu zigun, giro zoragarria egin zigun-eta domekan. 43 lagun joan ginen guztira mendi irteera horretara, horietatik 28, umeak. /GORKA GARITANO

BOTEPRONTOAN / Jesus Etxeberria · Udaltzaina

“Etxian 150 bat bideo zinta edukiko dittut; laster hasi biharko naiz ze daukaten ikusi eta ordenatzen”

Jesus Etxeberria da Antzuolako udaltzaina. Bera da herriko udaltzain bakarra, baina oraingo, behintzat, ondo konpontzen ei da bera bakarrik. Gero, ikusi egin behar.

Noiztik udaltzain?

1979ko iraillian hasi nitzan. Ordura arte Eladio Sánchez zan alguazilla; harek kartero lanak be egitten zittuan.

Noizko beste udaltzain bat?

Oingoz defenditzen gara. Sekretarixa bat bai, hori gustora hartuko nuke.

Isun asko jartzen dittuzu?

Ez; berba egiñaz arazuak konpontzen saiatzen naiz, hemen danok ezagutzen gara. Multia kasu graben batian, bestela ez.

Ze arazo dago Antzuolan udaltzainaren ikuspuntutik?

Trafikua; izan be, gero eta kotxe gehixago dago eta kale estuetan batez be, peligrua sortzen da.

Zure lanian, zer gustatzen jatzu gehixen?

Ez dala bape monotonua, lan klase asko egitten dot: udaltxian konserje, kalia alguazil, brigadakuei laguntzen be ibiltzen naiz...

Eta gutxien?

Notifikaziño eta faktura batzuk entregatzia ez da oso lan ona izaten, jendiak ez dost aurpegi onik jartzen holakuetan.

Denbora librian zer egittia gustatzen jatzu?

Sozidadera jun eta lagunekin afarixak egittia: kantuan egin,



diarren batzuk etara...

Parrandazalea zara?

Bai; gaztetan hala be, izugarri gustatzen jaten irtetzia.

Zela definittuko zenuke zeure burua?

Gizon trankilla naiz; gaztetan, nahiko lotsatixa be banitzan, baina poliki-poliki superatzen noia.

Edozein ekitaldi dala be, zu beti bideo kamerarekin.

Bai, afiziño haundixa daukat. Oin dala 12 bat urte erosi neban, eta ordutik ez dot laga; jendiak enkarguak be egitten dost.

Zenbat bideo zinta daukazu?

150 zinta edo gehixago eukiko dittut. Egixa esan, neuk be ez dakitt ja zer daukaten, ordenau biharko dittut danak.

Tomas Gezalaza

Apainketarako eta industriarako pinturak

Paper margotuak

Moketak eta tapizatuak

Kalegoi 21
 Tf. eta faxa 943 76 64 07
 Poltsikokoa 616 277 999
 ANTZUOLA / BERGARA

Igor eta Txomin



Margoak orokorrean

ANTZUOLA
609 157 131

BERGARA
609 150 164

LARREA

TABERNA

Kalebarren 17
ANTZUOLA

GAILUR

taberna eta gozotegia

Buztinzuri 13 ANTZUOLA
Tf. 943 78 70 32

Tomas Gezalaza

Zoruen kutxilatua eta barnizaketa

Kalegoi 21
 Tf. eta faxa 943 76 64 07
 Poltsikokoa 616 277 999
 ANTZUOLA / BERGARA